



**KERATAN AKHBAR
DAN MEDIA ONLINE
UNTUK MAKLUMAN :**

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PUP)
SETIAUSAHA AKHBAR**

19 MEI 2022 (KHAMIS)



KEMENTERIAN PERDAGANGAN DALAM NEGERI
DAN HAL EHRAL PENGGUNA

**KERATAN AKHBAR
DAN MEDIA ONLINE
(KPDNHEP)**

19 MEI 2022 (KHAMIS)

87 cawangan Eonsave kekurangan 30 peratus tepung gandum

PASIR GUDANG: Pasar Raya Eonsave Cash and Carry (Eonsave) berdepan masalah kekurangan bekalan tepung gandum bersubsidi sehingga 30 peratus di kesemua 87 cawangannya di seluruh negara.

Pengurus Besar Eonsave, Mas Imran Adam berkata, keadaan itu disebabkan pembekal mengalami masalah ketiadaan bekalan tepung gandum sejak awal bulan ini.

Katanya, keadaan bertambah buruk apabila pembekal tidak dapat menghantar bekalan disebabkan cuti panjang sempena Hari Raya Aidilfitri baru-baru ini.

"Walaupun negara kita tidak mengimport tepung dari India, masalah turut berlaku setelah bekalan tepung gandum tidak mencukupi di pasaran.

"Kita mengimport bekalan tepung gandum kira-kira 80 peratus dari Australia dan hanya sedikit dari Ukraine, sepatutnya kita tidak timbul isu kekurangan bekalan tepung gandum," katanya semasa meninjau bekalan berkenaan di Eonsave Taman Scientex, di sini hari ini.

Semalam, Kementerian Perdagangan Dalam Negeri dan Hal Ehwal Pengguna (KPDNHEP) berkata, bekalan tepung gandum negara dijangka tidak terjejas di sebalik larangan India mengeksport gandum susulan gelombang haba akibat cuaca panas terik.

KPDNHEP berkata, Malaysia mengimport 80 peratus biji gandum dari Australia dan selebihnya dari Amerika Syarikat, Kanada dan Ukraine.

Dalam pada itu, Mas Imran berkata, setakat ini hanya terdapat bekalan untuk tepung gandum tidak bersubsidi jenama Faiza di pasar raya tersebut dengan harga RM3.05 satu peket.



Kerana cuti panjang tak hantar bekalan

Pasar raya, kedai alami kekurangan bekalan 20 hingga 30 peratus

Oleh Mary Victoria Dass
 am@hmetro.com.my

Pasir Gudang

Beberapa pasar raya dan kedai runcit di bandar raya ini berdepan kekurangan antara 20 hingga 30 peratus bekalan tepung gandum bersubsidi.

Beberapa pengusaha kedai runcit juga mendakwa kehabisan stok bekalan berkenaan sejak seminggu lalu manakala sesetengah pasar raya didapati hanya memiliki bekalan terhad.

Kekurangan bekalan didakwa berlaku berikutan pembekal belum menghantar bekalan ke premis perniagaan masing-masing.

Seorang pengusaha kedai runcit di bandar raya ini, Hussein Abdullah, 49, berkata, setakat ini, kedainya hanya ada bekalan tepung gandum tidak bersubsidi jenama dengan harga RM3.05 satu pekete manakala jenama semakin sukar diperolehi.

Beliau berkata, tepung gandum bersubsidi jenama GPS (RM1.85) selain jenis Blue Key, Lili dan Feri (RM1.35) kebanyakannya terputus bekalan sejak awal bulan ini.

"Pembekal menyatakan akan menghantar bekalan minggu ini namun sehingga kini belum sampai.

"Mengikut maklum balas pelanggan, kebanyakan tempat mengalami masalah sama dan saya harap ia tidak berpanjangan," katanya. Sementara itu, Pengurus



MAS Imran menunjukkan bekalan tepung gandum yang terhad di Pasaraya Econsave Cash and Carry cawangan Taman Scientex, Pasir Gudang. - Gambar NSTP/Mary Victoria Dass



Walaupun tiada bekalan tepung bersubsidi, kami tidak menaikkan harga tepung gandum tidak bersubsidi sedia ada dan pada masa sama menasihatkan pengguna tidak melakukan pembelian panik"

Mas Imran

Besar Pasaraya Econsave Cash And Carry, Mas Imran Adam berkata, pasar raya berkenaan juga mengalami kekurangan antara 20 hingga 30 peratus bekalan tepung gandum bersubsidi di semua 87 cawangannya seluruh negara.

Beliau berkata, kekurangan itu berikutan pembekal tidak dapat menghantar bekalan disebabkan cuti panjang sempena Aidilfitri.

Menurutnya, pembekal memberi alasan mengalami masalah ketiadaan bekalan tepung gandum sejak awal Mei lalu.

"Negara hanya bergantung terhadap peratusan kecil import gandum dari India, sekali gus tidak memberi kesan signifikan kepada bekalan.

"Negara bergantung 85 peratus gandum dari Australia manakala 15 peratus lagi dari Amerika Syarikat (AS), Ukraine dan India, oleh itu larangan dari India sepatutnya tidak memberi kesan," katanya ketika ditemui di Pasar Raya Econsave Taman Scientex di sini, semalam.

Mas Imran berkata, setakat ini, hanya ada bekalan untuk tepung gandum tidak bersubsidi jenama Faiza di pasar raya terbabit.

"Walaupun tiada bekalan tepung bersubsidi, kami tidak menaikkan harga tepung gandum tidak bersubsidi sedia ada dan pada masa sama menasihatkan pengguna tidak melakukan pembelian panik.

"Pihaknya mencadangkan langkah menghadkan penjualan tepung gandum sekilogram kepada pembeli ekoran bekalan kurang.

"Ia bagi memastikan keperluan asas berkenaan dapat diperolehi lebih ramai pembeli namun perlu mendapat kebenaran pihak KPDNHEP terlebih dahulu," katanya.

Bekalan tepung gandum mencukupi

Kuala Lumpur: Bekalan tepung gandum di pasaran tempatan tidak mempunyai masalah dan masih mencukupi walaupun India melarang eksport barangan itu ke luar negara.

Pemilik kedai runcit Hanifa Maju di Pasar Chow Kit, di sini, P Lingam, 54, berkata dia masih menerima bekalan tepung gandum seperti biasa.

Menurutnya, harga tepung gandum juga setakat ini masih RM3.30 bagi bungkusan satu kilogram (kg) manakala untuk seguni 25 kg kekal berharga RM62.

"Untuk paket kecil biasanya dibeli orang perseorangan manakala pelanggan yang membeli dalam jumlah besar berguni-guni pula adalah dalam kalangan peniaga restoran seperti peniaga roti canai.

"Apa yang boleh saya cakap, bekalan tepung gandum memang ada. Cuma ada jenama tertentu kadang-kadang tak ada," katanya yang ditemui ketika tinjauan Harian Metro, semalam.

Pembeli, Rozaimi Othman, 42, dari Wangsa Maju, di sini, berkata setakat ini dia belum menghadapi ma-

salah untuk mencari tepung gandum.

"Alhamdulillah. Tepung (gandum) tak ada masalah. Cuma minyak masak yang kadang-kadang susah sikit nak cari.

"Saya makan roti canai di kedai mamak pun tak ada yang naikkan harga setakat ini. Untuk pembelian tepung gandum pula, biasanya saya beli dua atau tiga paket sekilogram," katanya.

Katanya, ia untuk memudahkan isterinya Azizah Md Yassin, 42, menyediakan minum petang kegemaran seperti cekodok dan lem-

peng.

Menteri Perdagangan Dalam Negeri dan Hal Ehwal Pengguna (KPDNHEP), Datuk Seri Alexander Nanta Linggi kelmarin berkata, negara hanya bergantung terhadap peratusan kecil import gandum dari India, sekali gus tidak memberi kesan signifikan kepada bekalan.

"Negara bergantung 85 peratus gandum dari Australia, manakala 15 peratus lagi dari Amerika Syarikat (AS), Ukraine dan India. Jadi larangan dari India tidak beri kesan secara jilid," katanya.

Pemborong hadkan pembelian tepung gandum

KUALA TERENGGANU - Peniaga kedai runcit di sini mengaku agak sukar mendapatkan bekalan tepung gandum dalam kuantiti banyak kerana pembelian bahan itu dihadkan.

Pemilik sebuah kedai runcit, Hamizan Hasanuddin berkata, kebanyakan pelanggan yang terdiri peniaga runcit berdepan keadaan itu sejak sebelum Ramadan dan ia berlarutan sehingga sekarang.

Menurutnya, disebabkan menjual barangan itu dalam kuantiti sedikit, dia hanya mengambil tiga hingga lima kotak tepung gandum yang setiap satu mengandungi 10 hingga 12 pekot.

"Bagi peniaga atau mereka yang perlukan stok yang banyak agak sukar kerana pemborong telah menentukan kadar pembelian tidak boleh melebihi beberapa kotak," katanya.

Ditanya mengenai bekalan tepung gandum subsidi, Hamizan berkata, jenama tepung gandum subsidi tidak

pernah diperoleh sejak setahun membuka kedai runcitnya itu.

Sementara itu di **TEMERLOH, PAHANG** - Beberapa peniaga kuih-kuih mengaku bekalan tepung gandum jenama tertentu sukar diperoleh.

Rafidah Musa, 53, berkata, situasi itu memang menyukarkan peniaga kecil sepertinya.

"Kalau ada pun, tepung berjenama lebih mahal yang memecah harga RM30 sekotak.

"Nak tak nak kena beli juga. Buat masa ini saya masih mengekalkan harga RM2 bagi lima keping kuih," katanya kepada *Sinar Harian* pada Rabu.

Situasi sama turut dihadapi Norlela Ali, 58, yang masih mengekalkan harga jualan RM2 untuk lima keping kuih.

"Cuma mungkin terpaksa kecilkan sedikit saiz kuih untuk tampung kos," ujarnya.

Seorang lagi peniaga kuih-muih, Fikriah Abd Muin, 60, berharap pihak berkaitan dapat segera mengatasi masalah ini.



Pekerja sebuah kedai runcit di Kuala Terengganu menyusun tepung gandum pada bahagian rak kedai.



Peniaga mula mengenakan caj pemotongan ayam di sebuah pasar di Kempas, Johor. (Foto Nur Aisyah Mazalan/BH)

Peniaga kenakan upah potong ayam RM1.10 sekilogram

Pengguna tanggung caj tambahan susulan peningkatan harga bahan mentah

Oleh Mohamed Farid Noh
farid_noh@bh.com.my

Johor Bahru: Peniaga ayam segar di sekitar bandar raya ini dikesan mula mengenakan caj tambahan untuk upah potong pada kadar RM1.10 sekilogram, susulan peningkatan harga bahan mentah itu di pasaran.

Tindakan itu menyebabkan pengguna terpaksa menanggung kos tambahan apabila setiap ekor ayam segar dibeli berharga sekurang-kurangnya RM10 setiap kilogram (kg), berikutan saiz ayam dijual ketika ini antara 2.1 hingga 2.5 kg setiap ekor.

Tinjauan di pasar basah di Kempas, di sini, mendapati walaupun peniaga memasang papan tanda harga ayam mengikut harga kawalan ditetapkan iaitu RM8.90 sekilogram, terdapat nota tambahan di bahagian bawah papan tanda itu tertera 'upah potong RM1.10 per kg' dengan tulisan kecil.

Seorang pengguna, Azura Md

Amin, 35, berkata beliau terkejut apabila terdapat peniaga mengenakan upah memotong ayam sedangkan khidmat itu sebelum ini diberikan secara percuma apabila membeli bahan mentah itu.

"Hari ini saya lihat beli dua ekor ayam selepas melihat tanda harga RM8.90 sekilogram mengikut harga kawalan, berbanding peniaga lain yang menetapkan harga sehingga RM10.50 sekilogram.

"Namun, saya terkejut apabila ayam sudah siap dipotong, peniaga menyatakan harga untuk dua ekor ayam adalah RM44. Apabila ditanya peniaga menunjukkan nota upah potong RM1.10 pada papan tanda harga," katanya.

Azura yang mengakui terkejut berkata, sebagai peniaga dia tidak kisah membayar caj tambahan termasuk untuk kos pemotongan ayam jika dimaklumkan lebih awal.

"Peniaga seharusnya maklumkan pembeli dahulu jika ada caj lain dikenakan bagi pembelian ayam supaya pengguna boleh membuat pilihan.

"Pengguna faham peniaga juga menerima bahan mentah dengan harga mahal dan terpaksa menanggung kos operasi tinggi, namun biarlah tanda harga ditulis secara jelas dan dapat dilihat pembeli," katanya.

Selain mengenakan kos tambahan untuk caj potong, ada juga

segelintir peniaga ayam segar di bandar raya dikesan sengaja tidak meletakkan tanda harga pada bahan mentah berkenaan yang dijual di kebanyakan pasar basah di sini.

Tinjauan di pasar basah di Tampoi, Kempas dan Pandan, di sini, semalam sebagai contoh mendapati kebanyakan peniaga ayam segar tidak meletakkan sebarang tanda harga, malah ada juga papan tanda dibiarkan kosong atau ditampal kertas lain.

Dalam pada itu, Pengerusi Persekutuan Penggerak Pengguna Johor, Md Salleh Sadijo, berkata tindakan peniaga ayam segar yang mula mengenakan upah pemetongan itu difahami berikutan harga bahan mentah itu semakin melonjak.

Bagaimanapun katanya, peniaga perlu memaklumkan pembeli selain meletakkan notis dengan jelas supaya pembeli faham dan tidak terkeliru.

"Beberapa pasar raya besar memang sudah mula mengenakan caj pemetongan secara berasingan walaupun sebelum ini caj untuk itu tidak dikenakan.

"Pembeli rasanya faham tentang kesempitan peniaga dan tidak kisah untuk bayar caj pemetongan berasingan, tetapi ia perlu dimaklumkan atau ditulis pada papan tanda harga bagi membolehkan pengguna berbelanja mengikut peruntukan masing-masing," katanya.

Pembeli keliru tiada tanda harga

Kota Bharu: Kebanyakan peniaga ayam di sini, tidak meletakkan tanda harga kerana mendakwa mereka masih keliru dengan harga siling sebenar ditetapkan pihak berkuasa.

Tinjauan di Pasar Berek 12 dekat sini, mendapati kebanyakan peniaga ayam segar tidak mempamerkan harga ayam sekilogram yang dijual sehingga menimbulkan kekeliruan dalam kalangan pembeli mengenai harga sebenar ayam yang dijual.

Mereka hanya memaklumkan harga ayam apabila pembeli bertanyakan harga bagi sekilogram barangan keperluan terbabit.

Peniaga, Rogayah Samad, 52, mengakui dia adalah di antara peniaga ayam yang tidak mempamerkan tanda harga, namun mendakwa berbuat demikian disebabkan tidak mendapat maklumat tepat mengenai harga siling ayam yang sebenar.

"Sejak awal Aidilfitri lalu, saya menjual ayam dengan harga RM10.50 sekilogram memandangkan mendapat harga mahal da-

ripada pihak pemborong, sekaligus menyebabkan saya terpaksa menaikkan sedikit harga ayam untuk mendapatkan untung.

"Pada masa sama, saya juga difahamkan bekalan ayam turut mengalami kekurangan yang mungkin sedikit sebanyak memberi kesan kepada kenaikan harga ayam pada masa kini," katanya ketika ditemui semalam.

Bagi Rokiah Salleh, 65, pula mendakwa dalam keadaan sekarang harga ayam tidak menentu dan mengalami naik turun harga sehingga menyebabkannya dia sendiri berasa keliru apatah lagi pelanggan.

Sementara itu, pembeli, Ahmad Fikri Abdullah, 30, mendakwa turut terkesan dengan isu harga ayam yang semakin mahal sehingga membebankan golongan B40 sepertinya.

"Bagi saya mempamerkan harga barang adalah penting untuk membandingkan harga selain memudahkan urusan membeli agar ia mencukupi dengan bajet yang ada," katanya.



TINJAUAN di Pasar Berek 12, Kota Bharu mendapati kebanyakan peniaga ayam segar tidak mempamerkan harga ayam sekilogram yang dijual. Gambar/NIK ABDULLAH NIK OMAR

Peniaga dakwa keliru harga siling sebenar

Kota Bharu: Kebanyakan peniaga ayam di sini, tidak meletakkan tanda harga kerana mendakwa mereka masih keliru dengan harga siling sebenar yang ditetapkan pihak berkuasa.

Tinjauan dilakukan di Pasar Berek 12 mendapati, kebanyakan peniaga ayam segar tidak mempamerkan harga ayam sekilogram yang dijual sehingga menimbulkan kekeliruan dalam kalangan pembeli mengenai harga sebenar ayam yang dijual.

Mereka hanya memaklumkan harga ayam apabila pembeli bertanyakan harga bagi sekilogram be-

kalan mentah itu.

Peniaga, Rogayah Samad, 52, mengakui dia antara peniaga ayam yang tidak mempamerkan tanda harga namun terpaksa bertindak sedemikian disebabkan tidak mendapat maklumat tepat mengenai harga siling ayam yang sebenar.

"Sejak awal Aidilfitri lalu, saya menjual ayam pada harga RM10.50 sekilogram memandangkan mendapat harga yang mahal daripada pemborong, sekali gus menyebabkan saya terpaksa menaikkan sedikit harga ayam untuk mendapatkan untung," katanya.



PENGUNJUNG memilih ayam bersih yang dijual di Pasar Chow Kit, Kuala Lumpur.

Ayam segar dijual 60 sen melebihi harga siling

Kuala Lumpur: Harga ayam segar dijual 60 sen melebihi harga siling ditetapkan kerajaan iaitu RM8.90.


Isi hasil tinjauan dilakukan wartawan Harian Metro di Pasar Chow Kit di sini, semalam yang mendapati kebanyakan peniaga menetapkan dan memaparkan harga ayam segar dijual pada RM9.50 setiap kilogram (kg).

Kebanyakan peniaga yang ditemukan memaklumkan harga ayam terpaksa dinaikkan susulan

pemborong mengenakan harga jualan tinggi.

Peniaga ayam, Abdul Latifs Muhammed Tarmidzi, 24, berkata, pihaknya tiada jalan lain selain menaikkan sebanyak 60 sen kerana jika mereka mengikut harga ditetapkan tiada keuntungan diperoleh.

"Harga pada peringkat pemborong dalam RM8.60 sekilogram, apabila kami jual dengan harga kawalan RM8.90, peniaga tak dapat untung kerana kami juga perlu memikirkan kos lain seperti beg plastik," katanya.



New fuel prices
May 19 - May 25

RON95	RM2.05 (unchanged)
RON97	RM4.33 (+2 sen)
DIESEL	RM2.15 (unchanged)

Senarai Harga Barang Keperluan							
• Ayam	RM8.90	• Telur Gred A	RM12.60	• Cula Pasir	RM2.85	• Cili Merah	RM18
• Daging Lembu Tempatan	RM45	• Ikan Kembung	RM18	• Bawang Besar Holland	RM4	• Kubis Bulat Tempatan	RM4.50
• Daging Lembu Import	RM28	• Minyak Masak	RM6.70	• Bawang Putih	RM9	• Tepung Gandum	RM2.30

*Harga (RM/kg) Sumber: KPONHEP